

Odbor za zdravstvo

Одбор за здравство

Broj: 01/23-02-1973/23
Datum: 24. 7.2023. godine

**PREDSTAVNIČKOM DOMU
PARLAMENTA FEDERACIJE BiH**

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno:		24-07-2023	
Org. jed.	Broj	Priloga	Vrijednost

Odbor za zdravstvo Predstavničkog doma Parlamenta Federacije Bosne i Hercegovine je na 2. sjednici Odbora, održanoj dana 24. 7.2023. godine, razmatrao sljedeći:

DNEVNI RED

1. Prijedlog Zakona o zaštiti civilnih žrtava rata u Federaciji BiH,
 2. Informacija o potrebi povećanja finansiranja iz Budžeta FBiH, koju je uputio Zavod za transfuzijsku medicinu FBiH,
 3. Zahtjev za izjašnjenje (žalba prof.dr.sc. Zijah N. Rifatbegović, dr. med. Tuzla) koju je Parlamentu FBiH uputila Institucija ombudsmena/ombudsmana za ljudska prava Bosne i Hercegovine,
 4. Predstavka Safet Aganović, Tuzla, broj: 01/c,02/c-45-1051/23 od 10. 3.2023.,
 5. Inicijativa za izmjenu Pravilnika o bližim uvjetima u pogledu prostora, opreme i kadra, kriterijima za osnivanje apotekarske djelatnosti u svim organizacionim oblicima, kao i načinu i postupku njihove verifikacije, koju je pokrenuo Hamdija Abdić, zastupnik u Predstavničkom domu PFBiH,
 6. Zaključci Vlade Federacije BiH o razmatranoj Informaciji o održanom šestom sastanku Pododbora za unutrašnje tržište i konkurenciju uključujući zaštitu zdravlja i potrošača, broj:01-02-1789/23 od 15.06.2023.,
 7. Inicijativa za izradu zakonskih procedura, na osnovu kojih bi se ljekarima omogućila nabavka citostatika direktnom nagodbom s dobavljačima, ili na bilo koji drugi način koji isključuje nabavku citostatika od krajnjih korisnika, a koju je pokrenuo Slaven Raguž, zastupnik u Predstavničkom domu PFBiH,
 8. Inicijativa za trajno, efikasno i sistemsko rješenje pitanja zdravstvenog osiguranja i korištenja zdravstvenih usluga djece i mladih bez roditeljskog staranja smještenih u rezidencijalne ustanove i druge oblike alternativne brige u Federaciji BiH, a čiji su smještaji izvan kantona/županija registrovanog prebivališta, koju je podnijela grupa zastupnika u Predstavničkom domu PFBiH.
- Dnevni red Odbora jednoglasno je usvojen.

Na osnovu člana 44. stav 2. a u vezi s članom 78. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad- 1

Prijedlog Zakona o zaštiti civilnih žrtava rata u Federaciji BiH

Uvodno izlaganje o Prijedlog Zakona o zaštiti civilnih žrtava rata u FBiH dao je gosp. Dobrica Jonjić, predstavnik Federalnog ministarstva rada i socijalne politike. Prisutni članovi i članice Odbora detaljno su razmotrili navedenu tačku dnevnog reda, te jednoglasno usvojili sljedeći:

ZAKLJUČAK

Odbor je prihvatio Prijedlog Zakona o zaštiti civilnih žrtava rata u FBiH, te predlaže Predstavničkom domu Parlamenta FBiH da ga usvoji.

Ad-2

Informacija o potrebi povećanja finansiranja iz Budžeta FBiH, koju je uputio Zavod za transfuzijsku medicinu FBiH

Odbor je zajedno sa gđom. Almom Ljuca, predstavnicom Zavoda za transfuzijsku medicinu FBiH, te gosp. Nediljkom Rimac, federalnim ministrom zdravstva, kao i gosp. Ivicom Ćosić, savjetnikom federalnog ministra zdravstva detaljno razmotrio navedenu tačku dnevnog reda i jednoglasno usvojio sljedeće:

ZAKLJUČKE

1. Odbor sugeriše Vladi FBiH da realizira Zaključak br. 01-11-1093/20 koji je usvojio Predstavnički dom Parlamenta FBiH u oktobru 2020. godine (jer nije realizovan u 2020. godini) i Zaključak br. 01-11-1093/20, 1-11-660/21 kojim se ponovo obavezuje Vlada Federacije BiH da u rebalansu Budžeta iznađe dodatna finansijska sredstva za Zavod u visini od 375,000 KM (do danas Zaključak nije realizovan),
2. Odbor predlaže Zavodu za transfuzijsku medicinu FBiH da u saradnji sa Federalnim ministarstvom zdravstva obavi razgovore prilikom planiranja Budžeta FBiH za 2024. godine kako bi se Zavodu obezbijedila finansijska sredstva za tekuću i iduću 2024. godinu, i to u vezi obezbjeđenja finansijskih sredstava za transplantacijsku medicinu za ispunjenje minimalnih postavljenih zahtjeva za nabavku „Čiste/sterilne sobe“ cca 250,000 KM u Banci tkiva uz nabavku druge potrebne oprema, čime bi se ostvario potpuno kontrolisani pristup matičnim ćelijama, te obezbjeđenja finansijskih sredstava za mjesta rizika kojima su potrebna i neophodna značajna investiciona ulaganja (sanacija stepeništa, rekonstrukcija kanalizacione i vodovodne mreže i sanitarnog čvora za davaoce i pacijente) u vrijednosti od cca 250,000 KM, kao i za nabavku potrebne opreme u vrijednosti od cca 2.000 000,00 KM.

Ad-3

Zahtjev za izjašnjenje (žalba prof.dr.sc. Zijah N. Rifatbegović, dr. med. Tuzla) koju je Parlamentu FBiH uputila Institucija ombudsmena/ombudsmana za ljudska prava Bosne i Hercegovine

Odbor je konstatirao da nije primio mišljenje Vlade FBiH na Zahtjev za izjašnjenje (žalba prof.dr.sc. Zijah N. Rifatbegović, dr. med. Tuzla) koju je Parlamentu FBiH uputila Institucija ombudsmena/ombudsmana za ljudska prava Bosne i Hercegovine. Prisutni članovi i članice Odbora su zajedno sa gđom. Jasminkom Džumhur, predstavnicom Institucije ombudsmena/ombudsmana za ljudska prava BiH, te gosp. Nediljkom Rimac, federalnim ministrom zdravstva, kao i gosp. Ivicom Ćosić, savjetnikom federalnog ministra zdravstva detaljno razmotrili navedenu tačku dnevnog reda ali nisu usvojili zaključak jer su u međuvremenu izgubili kovrum koji je potreban za pravosnažno donošenje odluka.

Ad-4

Predstavka Safet Aganović, Tuzla, broj: 01/c,02/c-45-1051/23 od 10. 3. 2023

Prisutni članovi i članice Odbor su detaljno razmotrio Predstavku Safet Aganović, Tuzla, broj: 01/c,02/c-45-1051/23 od 10. 3. 2023. godine te konstatirali da nisu zaprimili mišljenje Vlade FBiH, niti su nadležni za davanje mišljenja o navedenoj tački dnevnog reda.

Ad-5

Inicijativa za izmjenu Pravilnika o bližim uvjetima u pogledu prostora, opreme i kadra, kriterijima za osnivanje apotekarske djelatnosti u svim organizacionim oblicima, kao i načinu i postupku njihove verifikacije, koju je pokrenuo Hamdija Abdić, zastupnik u Predstavničkom domu PFBiH

Prisutni članovi i članice Odbora su konstatirali da nije prisutan predlagatelj navedene Inicijative, niti su primili mišljenje Vlade FBiH o Inicijativi za izmjenu Pravilnika o bližim uvjetima u pogledu prostora, opreme i kadra, kriterijima za osnivanje apotekarske djelatnosti u svim organizacionim oblicima, kao i

načinu i postupku njihove verifikacije, koju je pokrenuo Hamdija Abdić, zastupnik u Predstavničkom domu PFBiH, te da zbog drugih obaveza jedan član Odbora je napustio sjednicu Odbora čime se izgubio kvorum koji je potreban za pravosnažno donošenje odluka.

Ad-6

Zaključci Vlade Federacije BiH o razmatranoj Informaciji o održanom šestom sastanku Pododbora za unutrašnje tržište i konkurenciju uključujući zaštitu zdravlja i potrošača, broj:01-02-1789/23 od 15.06.2023.

Prisutni članovi i članice Odbora su primili k znanju Zaključke Vlade Federacije BiH o razmatranoj Informaciji o održanom šestom sastanku Pododbora za unutrašnje tržište i konkurenciju uključujući zaštitu zdravlja i potrošača, broj:01-02-1789/23 od 15.06.2023, ali zbog nedostatka kvoruma nisu odredili svoj stav o navedenoj Informaciji.

Ad-7

Inicijativa za izradu zakonskih procedura, na osnovu kojih bi se ljekarima omogućila nabavka citostatika direktnom nagodbom s dobavljačima, ili na bilo koji drugi način koji isključuje nabavku citostatika od krajnjih korisnika, a koju je pokrenuo Slaven Raguž, zastupnik u Predstavničkom domu PFBiH

Prisutne članove i članice Odbora o navedenoj tački dnevnog reda upoznao je gosp. Slaven Raguž, zastupnik u Predstavničkom domu Parlamenta FBiH. Odbor je konstatirao da nije primio mišljenje Vlade FBiH o Inicijativi za izradu zakonskih procedura, na osnovu kojih bi se ljekarima omogućila nabavka citostatika direktnom nagodbom s dobavljačima, ili na bilo koji drugi način koji isključuje nabavku citostatika od krajnjih korisnika, a koju je pokrenuo Slaven Raguž, zastupnik u Predstavničkom domu PFBiH. Također, istaknuto je da je Odbor na svojoj Vanrednoj sjednici Odbora koja je održana 28. 2.2023. godine, broj:01/23-02-165/23-9 usvojio Zaključak kojim se traži od Federalnog ministarstva zdravstva da poduzmu aktivnosti i predlože mjere za rješavanje problema nedostatka citostatika kako bi se onkološkim pacijentima obezbijedila adekvatna i neophodna zdravstvena usluga, broj: broj:01/23-02-165/23-8 od 3. 3.2023. godine. Nakon raprave o navedenoj tački dnevnog reda, prisutni članovi i članice Odbora nisu odredili svoj stav jer nemaju kvorum koji je potreban za pravosnažno donošenje odluka.

Ad-8

Inicijativa za trajno, efikasno i sistemsko rješenje pitanja zdravstvenog osiguranja i korištenja zdravstvenih usluga djece i mladih bez roditeljskog staranja smještenih u rezidencijalne ustanove i druge oblike alternativne brige u Federaciji BiH, a čiji su smještaji izvan kantona/županija registrovanog prebivališta, koju je podnijela grupa zastupnika u Predstavničkom domu PFBiH

Odbor nije razmatrao Inicijativu za trajno, efikasno i sistemsko rješenje pitanja zdravstvenog osiguranja i korištenja zdravstvenih usluga djece i mladih bez roditeljskog staranja smještenih u rezidencijalne ustanove i druge oblike alternativne brige u Federaciji BiH, a čiji su smještaji izvan kantona/županija registrovanog prebivališta, koju je podnijela grupa zastupnika u Predstavničkom domu PFBiH zbog nedostatka kvoruma.

Za izvjestiteljku u Predstavničkom domu Parlamenta FBiH određena je gđa. Amra Junuzović- Kaljić, zamjenica predsjednika Odbora.

ZAMJENICA PREDSJEDNIKA ODBORA

Amra Junuzović- Kaljić, s.r.